

高夢旦 · 楊效春 · 程時燿

周邦道

當代教育先進傳之七

高夢旦(1869-1936)

高夢旦以字行，初名鳳謙，福建長樂人。生於清同治八年己巳某月日。幼穎悟，母程氏，口授四書五經，未出外就傅，伯兄獻桐、文宗桐城，教之作文。蓋十六歲喪父，事伯兄猶父師也。偶應童子試，得補博士弟子員，惟不屑舉子業，遂不復進取，以教讀自給。其後獻桐官至太守，次兄子益游學法國，蜚聲外交界，皆貴顯。夢旦乃視富貴如浮雲，而以讀書著述終其身。

生平好為實用之學，為文亦自創寫實體。梁啟超創時務報於上海，夢旦投稿，啟超大為歎服。書札往還，神交已久。後與晤於滬上逆旅，筆談終日，遂為莫逆交。林啟出宰杭州，厲行新政，創辦西湖蠶學館，開中國實業教育之先河。興學育才，治績卓著。歿葬孤山，而為林氏擘畫者，夢旦與其伯兄之力為多。辛丑，求是書院改為浙江大學堂，夢旦乃宣任監督，聘夢旦為總教習。翌年，大學堂選派學生十八赴日本，夢旦任留學監督。考察日本所以興盛之由，端在教育，而教育根本在小學，因發願編輯小學教科書，乃解職

而歸。

會商務印書館方從事於小學教科書之編輯，張元濟任編輯所所長。聘夢旦長國文部，著手編輯小學國文教科書，採合議制。歷時兩年始完稿出版，其精審可知。夢旦夙夜勤勞，慮畫周至，延攬人才，分任編輯。由小學擴至中學、師範。又感法學書籍之重要，國內出版界竟皆闕乏，因創議翻譯日本法規大全，三載完成。復創編新字典、「辭源」，於所中另設辭典部，延陸爾奎主之。夢旦無日不與，新字典先出，「辭源」稿經屢易，勞費八年，出版後為學界所尊重。

夢旦既委身於商務，若將終身。僅於乙酉之春，因夏敬觀之推薦，兼任復旦學堂監督，逾年即辭，專心館務，精於綜核，鴻纖靡遺。商務規模之創建，夢旦之力為多。迨民國八年，五四運動，新思想之狂潮，遍及全國，夢旦自審不識鑿行文字，不適於所務。於是訪胡適於北平，請曰：「君若承認商務印書館為我國最大文化機關，君應屈為編譯所所長。」胡鑒其誠而諾之，旋薦其師王雲五以代。王至，夢旦退居出版部長。嗣王任總經理，倡為科學管理，而夢旦實贊助之。

夢旦為人謙退，嘗病我國文字太繁，不利初識，早年與勞乃宣研究漢字改革方法，往往討論，積札盈寸。及勞氏之簡字成功，而已勿與也。又因康熙字典，檢查困難，創為百部部首法，研究十餘年，屢易其稿，終不愜意。會王雲五亦抱斯志，乃悉以其稿畀之。王別創「四角號碼檢字法」，屬草時與夢旦面商或電商幾無虛日。王氏之書，已通行全國，而夢旦亦竟勿與。平生為文多不留稿。僅刊行「十三個月曆法」、「泰西格言集」兩小冊，其不肯居名，類如此。民國二十五年丙子夏，入川登峨眉，及山半，體不適，折返重慶，乘船東歸，適宜昌而病。竟以此卒於上海，年六十有八。

(本蔣維喬：高公夢旦傳)

楊效春(1897-1938)

楊效春，原名效椿，字澤如，浙江義烏人。生於清光緒二十三年丁酉某月日。世務農，貧甚，讀私塾數年。父命耕牧，而皆不善，母為告貸親友，始得負笈入小學。泊畢業浙江省立第七師範學校後，任鄉校教員二年。民國七年八月，與

金海觀、倪文宙等，考入國立南京高等師範學校教育科。嬉意治學，木訥寡言。八年、新文化運動勃興，惛代英發表「兒童公育」一文，效春著論痛斥之，於是師友始刮目相看。初入「少年中國學會」，後與王衍康等創辦「少年社會」刊物。因泛覽教育、社會、經濟、政治、法律、宗教等書，並與學術界人士過從，學養因以孟晉。

十年七月，南高畢業，至重慶暑期講習會講演，予川渝教育界人士優異印象。旋應懌代英邀，任教宣城中學。翌年二月，再至渝，與蒙裁成、陳愚生等，組全川教育改進會，創「教育獨立」月刊，並籌設重慶公學。十二年春，改掌四川省立第二女子師範學校教務。薰陶所屆，渝瀘學風，頓呈新穎活潑氣象。比國立東南大學附屬中學，延聘返寧，復在母校東大繼續學業，廣究社會科學，主編刊物，領導青年，熱心國事，奔走鼓吹。後至鎮江，主持江蘇省立第六中學訓育，亦多建白。

十五年冬，國民革命軍將底定江浙。曉莊師範學校籌備開學，陶行知、趙叔愚堅邀效春，主持教務。筆路藍縷，胼手胝足，夙夜未遑，多方啓關。以鄉村子弟，從事鄉村教育，興趣盎然。遂輔佐二氏，創立劃時代之理想學校，其個人之教育觀念，亦從而煥然丕變焉。

十七年秋，至徽州，為安徽省立第二中學高中部主任，兼附屬小學校長。十八年、三度入川，任國立成都大學教授，復創立一實驗學校。十九年秋，居喪里第，徇邑人請，整頓義烏縣立中學。時，梁漱溟、金仲華等，在山東鄒平，籌辦

鄉村建設研究院，請效春襄理院務，即毅然北上。在此三年有半，凡研討計劃、編輯教材、指導學生、聯絡社會，皆不遺餘力。鄒平鄉教之實際設施，厥功為多也。

二十四年春間，安徽省政府聘為省立黃麓鄉村師範學校校長。校址在小黃山麓，境接巢縣、合肥，地曠民貧。效春本校門敞開之旨，從事建設。其計劃，折衷於曉莊、鄒平之間，商得教育廳與原創辦人同意。大抵「注重訓練青年，使能教育民衆，建設鄉村，以圖復興中華民族。」教育設施，一反故常。既將學校公開於社會，又將社會當作學校；既使課程實際化，又以實際生活為課程；既聯絡地方士紳相助為理，又設法革新士紳思想觀念。重心所在，厥為：改進鄉村社會，推進全民教育，樹立青年服務鄉村信念，培養人民保鄉救國能力。學校與社會，打成一片；以少量經費、辦多種事業，故馳譽海內。教育部督學視察後，曾請部嘉獎，並為文介紹，刊登「中華教育界」，題曰：「異軍突起的黃麓鄉師」，信有所據而云然也。

效春勤於治事，儉以持己，耿直廉介，取與不侑。而曲高和寡，人不易隨，亦不易諒。首都淪陷，黃麓結束，正赴六安省政府所在地報告，途經合肥，為仇者所誣。二十七年一月三日被拘，十五日，竟以莫須有之「漢奸罪」殉難，年裁四十有二。逾百日，武漢朋好梁漱溟、江恒源、黃炎培、盧作孚、陳禮江、俞慶棠、高陽、楊開道、朱經農、左舜生、李璜、唐現之、趙冕等，為之登報辨誣。三十五年十二月，制憲國民大會

代表集會首都，曹芻等六十九人，聯名呈蔣主席，請明令為效春昭雪沉寃，經飭國防部三次派員查明，確係冤抑，奉批示：「優予撫卹，主辦該案之宋世科等應依法懲處」。效春在天之靈，當可以稍慰矣！

綜觀效春教育理論，一本陶行知「生活教育」學說；對於中國鄉村社會之剖析，則頗受梁漱溟之影響。平日生活嚴謹，耐勞刻苦，淡於名利，愛好農村。著作有：鄉村教育綱要（中華書局），曉莊一歲（兒童書局），鄉農的書（鄒平鄉村建設研究院），鄉村教育論文集及黃麓叢書多種。夫人何伯宏，子安安，女蓉蓉、平平。

（本金海觀：楊效春先生事略，並參考朱垂鈞等：楊效春先生被誣冤死後十年「沉寃昭雪錄」。）

程時燧(1890-1951)

程時燧，號柏廬，江西新建人。父志和，號汪山農，遜清進士，官工部虞衡司員外郎。以書畫金石名於時，人稱雒庵先生。甲午戰役，馬關約定，憤辭官，工部堂官翁同龢，不予准，堅請始為核轉，而喟然歎曰：「人人都道休官好，林下何曾見一人，今見一人矣！」歸掌鵝湖、鹿洞兩書院，監教江西。優級師範學堂。時燧生於光緒十六年庚寅某月日幼承庭訓，力學有聲。十八歲入邑庠，遷居省垣，醉心梁新會、嚴侯官譯著諸書，思想新穎。入江西實業學堂，以最優等畢業。尋以省費赴日留學，入東京高等師範學校，專攻理化及教育學科。

民國四年，畢業返國，初任江西省立師範學校教員兼附屬小學主任，創辦單級小學，指導師範生實習。五年，任省立第一中學校長。提倡軍國民教育，實施軍事訓練，尤獎勵運動，注重體育，以「公勇誠愛」四字為校訓。六年冬，任江西教育廳第二科科長，主管中初等教育，力爭擴增經費，格不得行，遂辭職入京，任國立北京高等師範教授兼附中主任。十二年，教育部資送留學美國，先後入芝加哥、哥倫比亞兩大學專攻教育，得碩士學位。十四年返國，任教於國立北京師範大學，十五年，任上海大夏大學教授兼教育科主任。十六年，任中央大學教授兼教育行政院普通教育處長，致力於江蘇省教育經費之增加，及教育局長與中心小學校長人選之遴選，績效顯著。

十七年，出任福建省教育廳長，力主鹽附稅充作教育經費專款，並保障其獨立，案雖通過，而為軍閥盧興邦所甚。十九年一月，盧忽叛變，逮時燧及民政、建設廳長林知淵、鄭在義、許成謀、吳藝父、陳愛吾等六人，幽禁尤溪山中十閱月，橫遭窘辱，陰陽百沴，幾至喪生。時燧讀書吟詩，處之泰然。著「十個月之山中生活」，在山中書「為教育而犧牲，求仁得仁又何怨」聯語自勵，並有句云：「椒山自有膽，柏廬惟養心」，蓋深有得於陽明修養功夫也。

變平復職，益銳意改進。二十二年，轉任江西教育廳長，敬恭梓桑，償所宿願。迨倭禍作，南昌淪陷，省府播遷，學校轉徙，土皇皇不可終日，時燧獨能安集調撫，于動盪中求安定，安定

中謀改進，敵軍壓境，而絃歌不輟，救死未遑，而忠貞彌勵。歷則匪抗戰，在任十四年，凡所設施，務適應當前需要，莫不以樹人為鵠的。雖艱苦萬端，而悉精心果力以赴，如課學制度之創立、中正大學之開辦、民衆補習教育之推行、音樂教育委員會之設置，皆聲譽大端，為時論所盛稱。所作救國歌、復興歌、新生活運動歌、青年服務團歌、黨兵曲、青年從軍歌等，均由音樂教育會作曲印行。全省有井水處，皆能引吭高歌。三十五年，省政府改組卸任，受聘為教育部教育研究委員會委員，銜命至臺灣考察教育。大陸淪胥，留滬教授大同大學等校，不及走避，為共黨捕繫，拘回南昌，以四十年五月十四日，與省立工業專科學校校長李右襄等，同時被害，年六十有二，恫哉！

時燧秉胞淵之質，忠藎之忱，持躬謹嚴，宅心寬厚，執事敬恭，誨人不倦。工詩文，善書畫，尤長演說。每一登壇，音吐洪朗，語語從體驗中得來，自肺腑中流露，繁微曲譬，娓娓動人。著作有柏廬講稿論文集，三十五年江西教育界為贖資印行，餘佚。平居日記，未嘗一日間斷。隨手書楹帖、識警語，皆輒辟入裏，寓意深遠。如云：「做人做事做學問，耐勞耐苦耐誘言。」「培植青年，有如自家子弟；處理公牘，視同報國文章。」「從安定中求進步，從考核中造人才，從感化中勵人格，從指導中養學風。」身言允洽，宜其教澤廣被於八閩與匡庚間矣！

（本陳穎昆：程時燧先生事略並參考柏廬講稿論文集）自傳及王易歐陽祖經序，蔡漱芳跋。）

賢不肖別傳

胡耐安教授著定價壹幣25元

郵撥一四〇四四號中外雜誌社

本書共三十多篇人物評介。涉及廟堂之上、市井間、清流之下、聞達隱逸、名士淑女、概計在百人以上。

眞讀書人胡樸安。瘳字療飢胡寄塵。中興鼓吹盧翼野。情書一束章衣萍。不開畫展王悲。突梯滑稽稽畢修。秋水伊人李淑一。生不逢辰范卿宜。保定隊長陳惟誠。歡樂歲月軍理鳴。黃埔教官屈鳳梧。死得其正盧吉三。大言炎炎唐主良。風流種子唐有壬。濟世利人孟保羅。閩籍僑領呂渭生。蒙古王子德穆楚克棟魯普。浪人傳中小人物山本榮治。剪伯贊與周谷城。安徽名廚羅斯福。傳奇人物顧和尚。節期唱和胡展堂。雍容豫悅譚組菴。風雅儒將宋阜南。湘軍福將魯詠安。英雄本色謝冠將。舍生取義吳階農。閩令森嚴陳護黃。威鎮湘西蔡鑄人（附陳玉鑿唐晉棠）。魂兮還來張石侯。壺中日月呂遽生。高陽酒徒楊綿仲。